

Prof. dr Aleksandar Bogdanić
Biografski podaci

Predsjedništvo Bosne i Hercegovine donijelo je odluku o imenovanju Aleksandra Bogdanića za izvanrednog i opunomoćenog ambasadora Bosne i Hercegovine u Kanadi 20. marta 2023. godine. Nakon što je, 11. septembra 2023. godine, Kanada dala agreman, Aleksandar Bogdanić je stupio na dužnost 24. novembra 2023. godine. Akreditivna pisma je 20. februara 2024. godine predao generalnoj guvernerki Kanade Mary May Simon, kada je i preuzeo funkciju izvanrednog i opunomoćenog ambasadora Bosne i Hercegovine u Kanadi.

Predsjedništvo Bosne i Hercegovine je 1. oktobra 2023. godine ambasadora Bogdanića imenovalo i za nerezidentnog ambasadora Bosne i Hercegovine u Republici Kubi i stalnog predstavnika Bosne i Hercegovine u Međunarodnoj organizaciji za civilnu avijaciju (ICAO) sa sjedištem u Montrealu u Kanadi. Ambasador Bogdanić je 25. februara 2025. godine u Havani predao akreditivna pisma Miguelu Díaz-Canel Bermúdezu, predsjedniku Republike Kube.

Aleksandar Bogdanić je završio osnovne studije žurnalistike i engleskog jezika i književnosti, te magistrirao i doktorirao komunikologiju. Prije stupanja na dužnost ambasadora radio je kao redovni profesor komunikologije na Univerzitetu u Banjoj Luci i drugim visokoškolskim ustanovama u zemlji i svijetu. Objavio je veći broj naučnih radova i knjiga i dobio je niz nagrada za akademski, naučni i stručni rad.